



Broj: 01-227/19
Vareš, 28.11. 2019. godine

Z A P I S N I K
sa 31. sjednice Općinskog vijeća Vareš,
održane 31.10. 2019. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Đemo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

Odsutni: Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 31. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika – gosp. Ermin Musa i gosp. Čedomir Jelić, rukovodilac JURA-e – gosp. Rusmir Berberović, zamjenik općinskog pravobranioca – gosp. Damir Arnautović, ispred Službe za privredu, finansije i trezor – gosp. Stela Andrić, zastupnice – gosp. Alma Kamenjaš i gosp. Jasminka Ibrišimović, predstavnik Elektro distribucije PJ Vareš – gosp. Enes Džindo, predstavnik OSCE –a – gosp. Daut Bajramović, predsjednici političkih partija i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 30. sjednice OV održane 30.09.2019. godine i realizaciji Zaključaka. Na 30. sjednici donesena su četiri (4) zaključka koja su i realizovana. Postavljeno je devet (9) vijećničkih pitanja. Na pet (5) pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja. Na četiri (4) pitanja nije odgovoreno.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je Vijeće o redovnim aktivnostima. U toku sjednice kroz određene tačke dnevnog reda upoznat će se Vijeće sa pokazateljima gdje su glavni problemi, a to su problemi punjenja budžeta po raznim osnovama.

(Vijećnička pitanja)

Elvir Rožajac

1. Upoznao prisutne i javnost sa odgovorom na pitanje koje je postavio na prošloj sjednici, vezano za punionicu vode, skrenuo pažnju da firma treba imati istaknut natpis na objektu.

Kruno Ridić

Ponovio pitanja sa prošle sjednice na koja nije dobio odgovor.

2. Ima li interesa da zemljište u Maloj Rijeci vrati se Općini Vareš? (dao je pojašnjenje).
3. Možemo li putem Općinskog pravobranioca vidjeti kako je glasi privatizacijski ugovor i šta su obaveze vlasnika koji je kupio Livnicu u Vareš Majdanu? (dao je pojašnjenje).

Elvir Rožajac

1. Kada će se realizirati isporuka ogrijeva za ostale ljude? (upoznao javnost sa informacijom koju je dostavila PJ Šumarija Vareš u vezi isporuke ogrjevnog drveta za građane naše općine.)
2. Zašto JKP d.o.o. Vareš blagovremeno ne stavi obavijest na oglasne ploče (ne samo preko Hrvatskog radija Bobovac) o terminima nestanka vode? (dao pojašnjenje)

Mirnes Ajanović

3. Građani ističu i problematiziraju brzu vožnju po cesti i užoj gradskoj zoni i dječijim igralištima. Želimo da se očituje Općinski načelnik, te da provede ono što jeste u njegovoj nadležnosti, kontaktira PS Vareš i da ovaj problem riješi ili značajno umanjí, pa da barem uža gradska zona i dječija igrališta budu pošteđena rizika.
4. Prema prijavi građana nedostaju rasvjetna tijela u ulici Tirići prema Pruzi , tražimo da se povede računa i da se ovaj problem riješi.

Općinski načelnik dao je usmene odgovore na postavljena vijećnička pitanja na samoj sjednici.

Zastupnica u Skupštini ZDK gosp. Alma Kamenjaš informisala je Vijeće o svom radu koje se odnosi na problematiku općine Vareš.

Predsjedavajući OV u ime OV sugerisao je gosp. Almi Kamenjaš da Skupštinu upozna sa problematikom zimskog održavanja regionalnog puta na našoj općini, te da uputi inicijativu u cilju iznalaženja rješenja za bolje održavanje regionalnog puta na našoj općini.

Predsjedavajući OV stavio je na raspravu Zapisnik sa 30. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 30. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“)** (odsutna vijećnica Safeta Muftić) **usvojen Zapisnik sa 30. sjednice OV.**

Predsjedavajući OV stavio je na raspravu prijedlog dnevnog reda za 31. sjednicu OV koji je usaglašen na Kolegiju Općinskog vijeća.

Predsjedavajući OV predložio je da Vijeće tačku 11. „Informacija o stanju napajanja električnom energijom na području općine Vareš i mjerama na poboljšanju iste“, razmatra prije svih tačaka bez mijenjanja redoslijeda dnevnog reda. O istom je dao obrazloženje.

Nije bilo rasprave i predsjedavajući OV stavio je na izjašnjavanje prijedlog dnevnog reda 31. sjednice OV sa prihvaćenim prijedlogom da se tačka 11. razmatra prije ostalih tačaka dnevnog reda.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutna vijećnica Safeta Muftić) **usvojen sljedeći**

Dnevni red

1. Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.
Izvjestilac: Ermin Musa.
2. Razmatranje Izvještaja o finansijskoj reviziji Općine Vareš za 2018. godinu.
Izvjestilac: Općinski načelnik.
3. Izvještaj/Izvešće o izvršenju budžeta/proračuna Općine Vareš za period januar/siječanj- septembar/rujan 2019. godine.
Izvjestilac: Općinski načelnik.
4. Prijedlog Odluke o stavljanju van snage Odluke o plaćanju naknade za korištenje gradskog građevinskog zemljišta.
Izvjestilac: Ermin Musa.
5. Prijedlog Odluke o izmjeni Odluke o utvrđivanju površina za parkiranje motornih vozila.
Izvjestilac: Ermin Musa.
6. Prijedlog Rješenja o prestanku prava korištenja, upravljanja i posjeda na zemljištu društvene/državne svojine Samoupravnoj interesnoj zajednici zdravstvenog osiguranja Sarajevo.
Izvjestilac: Ermin Musa.

7. Prijedlog Rješenja o prenosu u posjed zemljišta Islamskoj zajednici u BiH-Medžlis islamske zajednice Vareš Vakuf džemata Vareš, k.č. broj 1211 Glavica Vareš.
Izjavitelj: Ermin Musa.
8. Prijedlog Rješenja o prenosu prava vlasništva u korist BBM-VAREŠ d.o.o. VAREŠ na građevinskom zemljištu označenom kao k.č. broj 58/3 Brezovac Vareš.
Izjavitelj: Ermin Musa.
9. Informacija o stanju domova kulture, prostorija MZ-a i opremljenosti istih na području općine Vareš.
Izjavitelj: Čedomir Jelić.
10. Prijedlog Programa finansiranja komunalnih djelatnosti za 2020. godinu.
Izjavitelj: Ermin Musa.
11. Informacija o stanju napajanja električnom energijom na području općine Vareš i mjerama na poboljšanje iste.
Izjavitelj: Ermin Musa.
12. Informacija o vodosnadbijevanju i odvozu smeća na području općine Vareš.
Izjavitelj: Ermin Musa.
13. Tekuća pitanja.

Ad. 11.

(Informacija o stanju napajanja električnom energijom na području općine Vareš i mjerama na poboljšanje iste.)

Otvorena je rasprava u kojoj su svoja mišljenja, sugestije, primjedbe i pitanja iznijeli vijećnici: Elvir Rožajac (uputio pitanje zbog čega dolazi do čestih nestajanja električne energije u MZ Ravne), Kruno Riđić (kada će se završiti započeta rekonstrukcija NNM u MZ Duboštica) i Đemo Kevrić (ispred MZ Striježeva predložio da se uradi niskonaponska mreža od Pajtov Hana do Striježeva kroz mjesto Bukovina).

Općinski načelnik gosp. Zdravko Marošević u svom obraćanju zatražio je da se uputi dopis/upit Elektroprivredi HZ HB zašto njihovi predstavnici ne prisustvuju sjednici OV iako im je upućen poziv. Zamolio je Službu Elektroprivrede da u vrijeme blagdana ili nekih značajnijih dešavanja u općini Vareš ne vrše obustavu isporuke električne energije. O istom je dao pojašnjenje. Skrenuo je pažnju na potrebu iznalaženja rješenja snadbijevanja električnom energijom domaćinstava koja nažalost još uvijek nemaju električnu energiju. Općina Vareš, u skladu sa svojim mogućnostima, stoji na raspolaganju u rješavanju ovog problema.

Predstavnik Elektroprivrede PJ Vareš gosp. Enes Džindo u svom obraćanju upoznao je prisutne o određenim aktivnostima na rekonstrukciji NNM i odgovorio na postavljeno pitanje vijećnika Elvira Rožajac.

Zaključena je rasprava i predsjedavajući OV uz Zaključak konstatuje da je **Vijeće primilo k znanju**

Informaciju o napajanju električnom energijom na području općine Vareš i mjerama na poboljšanje iste.

Ad. 1.

(Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.)

Predsjedavajući OV podsjetio je prisutne da rasprava po ovoj tački dnevnog reda, na prošloj sjednici OV nije zaključena i Vijeće se nije izjašnjavalo o istoj u skladu sa članom 83. tačka 3. Poslovnika o radu OV.

Nastavljeno je sa raspravom u kojoj su svoja mišljenja i stavove iznijeli vijećnici: Elvir Rožajac, Kruno Riđić, Mirnes Ajanović i Safeta Muftić.

Općinski načelnik gosp. Zdravko Marošević u svom obraćanju iznio je svoje mišljenje po ovoj tački dnevnog reda. Podsjetio je prisutne da je 28.01.2015 godine Općinsko vijeće sa 13 glasova „ZA“ usvojilo Zaključak o davanju saglasnosti za provođenje postupka dodjele koncesije za izgradnju MHE na rijeci Tribiji, općina Vareš i to: MHE „Han Pobilje“, MHE „Tribija“ i MHE „Ušće“ i da je provedena sva zakonska procedura.

Zatražio je pauzu i izjavio da će nakon pauze kao predsjednik HDZ upoznati Vijeće sa stavom Kluba HDZ.

Predsjedavajući OV dao je pauzu u trajanju od 10 minuta.

Nastavljeno je sa radom sjednice.

Nije više bilo učesnika u raspravi i predsjedavajući OV zaključio je raspravu.

Predsjedavajući OV stavio je na izjašnjavanje Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.

Nakon izjašnjavanja vijećnika predsjedavajući OV konstatuje da **sa 4 glasa „ZA“, 7 glasova „PROTIV“ i 7 „SUZDRŽANIH“ glasova nije usvojen**

Zaključak o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš

Za riječ se javio Općinski načelnik gosp. Zdravko Marošević i u svom obraćanju je kao predsjednik HDZ-e u Varešu zatražio od zamjenika predsjedavajućeg OV gosp. Šimić Nikole da podnese ostavku na funkciju zamjenika predsjedavajućeg OV. Izjavio je da HDZ od danas napušta Koaliciju, a kao zamjenik Kantonalnog odbora HDZ ZDK će upoznati svoje učesnike u ZDK i tražiti njihovu reakciju.

Za riječ se javio zamjenik predsjedavajućeg gosp. Nikola Šimić i izjavio da će postupiti prema odluci stranačkog vodstva i da će podnijeti pismenu ostavku u narednom periodu na funkciju zamjenika predsjedavajućeg OV.

Vijećnica Safeta Muftić u svom obraćanju zamolila je Općinskog načelnik i zamjenika predsjedavajućeg OV da još jednom razmisle o svojoj odluci jer smatra da je ishitrena.

Ad.2.

(Razmatranje Izvještaja o finansijskoj reviziji Općine Vareš za 2018. godinu.)

Komisija za privredu, finansije i budžet na 17. sjednici održanoj 22.10. 2019. godine jednoglasno je donijela Zaključak:

- **Komisija predlaže Općinskom načelniku da napravi plan i da zaduži nadležne službe da se svi nedostaci koji su navedeni u Izvještaju o finansijskoj reviziji otklone u najkraćem roku, te da se dostavi odgovor o poduzetim mjerama Uredu za reviziju u navedenom roku (60 dana).**

Općinski načelnik gosp. Zdravko Marošević u svom obraćanju izjavio je da zadovoljan što je provedena regularna revizija državnih organa. Mišljenja je da je revizija urađena upravo onako kako se organ uprave i ponašao, uredna, istinita, realna, ništa sakriveno, sa određenim manjkavostima, od kojih su neke i naslijeđene. O istom je dao pojašnjenje i izvijestio Vijeće da će odrediti osobu u finansijama koja će biti zadužena za provedbu mjera naloženih u Izvještaju.

Otvorena je rasprava u kojoj su svoja mišljenja, prijedloge, pitanja i stavove iznijeli vijećnici: Safeta Muftić (uz dato obrazloženje predložila je zaključak da Općinski načelnik raspiše oglas za zapošljavanje iskusnog ekonomiste - certificiranog računovođe), Mirnes Ajanović, Kruno Ridić, Emir Islamović, Branko Romić, predsjedavajući OV Adis Čizmo, Elvir Rožajac, Kruno Ridić (replika), Đemo Kevrić i Safeta Muftić (replika).

Za riječ se javio Općinski načelnik Zdravko Marošević koji je dao neka dodatna pojašnjenja u vezi diskusija vijećnika i postavljenih pitanja.

Predsjedavajući OV uz Zaključak Komisije za privredu, finansije i budžet predložio je i stavio na izjašnjavanje sljedeći

Zaključak:

Predlaže se Općinskom načelniku da u roku od 60 dana napravi plan aktivnosti provođenja preporuka Ureda za reviziju institucija u FBiH i Akcioni plan za provedbu donesenog plana, te da se dostavi odgovor o poduzetim mjerama Uredu za reviziju u navedenom roku (60 dana). Plan aktivnosti i Akcioni plan dostaviti na uvid Općinskom vijeću na jednoj od narednih sjednica.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) usvojen Zaključak.**

Zaključena je rasprava i predsjedavajući OV konstatuje da je Vijeće **uz Zaključke primilo k znanju**

Izvještaj o finansijskoj reviziji Općine Vareš za 2018. godinu.

Ad.3.

(Izveštaj/Izvešće o izvršenju budžeta/proračuna Općine Vareš za period januar/siječanj-septembar/rujan 2019. godine.)

Komisija za privredu, finansije i budžet na 17. sjednici održanoj 22.10. 2019. godine jednoglasno je donijela Zaključak:

- **Komisija ne podržava Izveštaj i skreće pažnju Općinskom načelniku i nadležnim službama da se izvršenje budžeta vrši u skladu sa Zakonom o budžetima FBiH, Odlukom o izvršenju budžeta, Zakonom o trezoru u FBiH i Zakonom o javnim nabavkama BiH.**

Općinski načelnik gosp. Zdravko Marošević u svom kratkom obraćanju, a na osnovu Zaključka Komisije, naglasio je da je Izveštaj istinito i korektno prikazan sa određenim manjkavostima koje treba ispraviti.

Predsjedavajući OV gosp. Adis Čizmo kao član Komisije za privredu, finansije i budžet upoznao je prisutne da je Komisija donijela ovaj Zaključak zbog neprovođenja mjera na koje je duži period ukazivala nadležnim. O istom je dao pojašnjenje.

Otvorena je rasprava u kojoj su učestvovali: vijećnik Mirnes Ajanović i predsjedavajući OV Adis Čizmo koji skrenuo je pažnju vijećniku Ajanović Mirnesu da se drži rasprave o tački dnevnog reda. U toku nastavka izlaganja vijećnika Ajanović Mirnesa, predsjedavajući OV upozorio je istog da krši Poslovnik o radu Općinskog vijeća član (72.) i iznio je svoje mišljenje o izlaganju vijećnika.

Na traženje Kluba HDZ, predsjedavajući OV dao je pauzu u trajanju od 10 minuta. Nastavljeno je sa radom sjednice.

U daljnjoj raspravi učestvovao je vijećnik Mario Mirčić koji je iznio stav Kluba HDZ o izjašnjavanju po ovoj tački dnevnog reda.

Zaključena je rasprava i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj – septembar/rujan 2019. godine uz Zaključak Komisije.

Nakon izjašnjavanja vijećnika predsjedavajući OV konstatuje **da sa 9 glasova „ZA“ i 8 glasova „PROTIV“** (odsutan vijećnik Branko Romić) **nije usvojen**

Izveštaj/Izvešće o izvršenju budžeta/proračuna Općine Vareš za period januar/siječanj-septembar/rujan 2019. godine

Ad.4.

(Prijedlog Odluke o stavljanju van snage Odluke o plaćanju naknade za korištenje gradskog građevinskog zemljišta.)

Komisija za statutarna pitanja i propise na 20. sjednici održanoj 22.10.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o stavljanju van snage Odluke o plaćanju naknade za korištenje gradskog građevinskog zemljišta, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o stavljanju van snage Odluke o plaćanju naknade za korištenje gradskog građevinskog zemljišta.

Nakon izjašnjavanja vijećnika predsjedavajući OV konstatuje da je **sa 14 glasova „ZA“ i 4 „SUZDRŽANA“ glasa usvojena**

***Odluka o stavljanju van snage Odluke o plaćanju
naknade za korištenje gradskog građevinskog zemljišta.***

Ad.5.

*(Prijedlog Odluke o izmjeni Odluke o
utvrđivanju površina za parkiranje motornih vozila.)*

Komisija za statutarna pitanja i propise na 20. sjednici održanoj 22.10.2019. godine jednoglasno je donijela sljedeće Zaključke:

- Komisija nema primjedbi na Prijedlog Odluke o izmjeni Odluke o utvrđivanju površina za parkiranje motornih vozila, te je upućuje Vijeću na razmatranje.
- Komisija daje preporuku Općinskom načelniku i nadležnim službama da Odluku o utvrđivanju površina za parkiranje motornih vozila uskladi sa Odlukom o nazivima ulica u naseljenim mjestima gradskog područja općine Vareš broj: 01-18/02 od 30.01.2002. godine i da sačini prečišćeni tekst.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjeni Odluke o utvrđivanju površina za parkiranje motornih vozila.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) usvojena**

***Odluka o izmjeni Odluke o utvrđivanju
površina za parkiranje motornih vozila.***

Ad.6.

*(Prijedlog Rješenja o prestanku prava korištenja, upravljanja
i posjeda na zemljištu društvene/državne svojine
Samoupravnoj interesnoj zajednici zdravstvenog osiguranja Sarajevo.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava korištenja, upravljanja i posjeda na

zemljištu društvene/državne svojine Samoupravnoj interesnoj zajednici zdravstvenog osiguranja Sarajevo.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** usvojeno

***Rješenje o prestanku prava korištenja, upravljanja i posjeda
na zemljištu društvene/državne svojine
Samoupravnoj interesnoj zajednici zdravstvenog osiguranja Sarajevo.***

Ad.7.

*(Prijedlog Rješenja o prenosu u posjed zemljišta
Islamskoj zajednici u BiH-Medžlis islamske zajednice Vareš
Vakuf džemata Vareš, k.č. broj 1211 Glavica Vareš.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prenosu u posjed zemljišta Islamskoj zajednici u BiH-Medžlis islamske zajednice Vareš Vakuf džemata Vareš, k.č. broj 1211 Glavica Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** usvojeno

***Rješenje o prenosu u posjed zemljišta
Islamskoj zajednici u BiH-Medžlis islamske zajednice Vareš
Vakuf džemata Vareš, k.č. broj 1211 Glavica Vareš.***

Ad.8.

*(Prijedlog Rješenja o prenosu prava vlasništva u korist BBM-VAREŠ d.o.o. Vareš
na građevinskom zemljištu označenom kao k.č. 58/3 Brezovac Vareš.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanja iznijeli vijećnici: Kruno Riđić (*predložio da se rješenje ne provede, odnosno da se navedeno zemljište u rješenju ne prodaje nego da se da koncesija ili zemljište pod zakup*), Elvir Rožajac, predsjedavajući OV Adis Čizmo, Đemo Kevrić, Nikola Šimić i Kruno Riđić (replika).

Pomoćnik načelnika Ermin Musa upoznao je prisutne da je navedeno zemljište koncesionim ugovorom dato BBM na korištenje i na isto zemljište firma već plaća koncesionu naknadu.

Općinski načelnik Zdravko Marošević u svom obraćanju podsjetio je prisutne da je navedeno zemljište kompleks rudnika, privredna zona i sa ovom odlukom Općina Vareš skida dio duga prema BBM d.o.o. Vareš. O istom je dao pojašnjenje.

Zaključena je rasprava i predsjedavajući OV stavio je na izjašnjavanje Prijedlog Rješenja o prenosu prava vlasništva u korist BBM-VAREŠ d.o.o. Vareš na građevinskom zemljištu označenom kao k.č. 58/3 Brezovac Vareš.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 glasom „PROTIV“ usvojeno**

Rješenje o prenosu prava vlasništva u korist BBM-VAREŠ d.o.o. Vareš na građevinskom zemljištu označenom kao k.č. 58/3 Brezovac Vareš.

Ad.9.

(Informacija o stanju domova kulture, prostorija MZ-a i opremljenosti istih na području općine Vareš.)

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, pitanja, prijedloge i primjedbe iznijeli vijećnici: Elvir Rožajac, Kruno Riđić, Općinski načelnik Zdravko Marošević (dao odgovor na pitanje vijećnika Elvira Rožajac u vezi nedostatka prostorija za rad MZ Ravne-Zubeta i vijećnika Krune Riđić u vezi Društvenog doma „Soca“), Kruno Riđić (replika Načelniku), predsjedavajući OV Adis Čizmo (skrenuo panju na poštivanje Poslovnika o radu OV), Đemo Kevrić, Nikola Šimić (uz pojašnjenje predložio da se u narednoj izradi budžeta planira određeni iznos za osiguranje prostorija za rad MZ-a tamo gdje iste nedostaju).

Predsjedavajući OV je na osnovu diskusija vijećnika predložio i stavio na izjašnjavanje sljedeći

Zaključak:

- **Predlaže se Općinskom načelniku da u narednoj godini pokuša iznaći rješenje da se bar obezbijede kancelarije za rad mjesnih zajednica tamo gdje za tim postoji potreba.**

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** usvojen predloženi **Zaključak i primljena k znaju**

Informacija o stanju domova kulture, prostorija MZ-a i opremljenosti istih na području općine Vareš.

Ad.10.

(Prijedlog Programa finansiranja komunalnih djelatnosti za 2020. godinu.)

Pomoćnik načelnika Ermin Musa dao je kratko pojašnjenje za ovu tačku dnevnog reda.

Otvorena je rasprava u kojoj su svoja mišljenja i pitanja iznijeli predsjedavajući OV Adis Čizmo i vijećnici Elvir Rožajac, Đemo Kevrić i Mario Mirčić.

Zaključena je rasprava i predsjedavajući OV stavio je na izjašnjanje Prijedlog Programa finansiranja komunalnih djelatnosti za 2020. godinu.

Nakon izjašnjanja vijećnika predsjedavajući OV konstatuje da je **sa 17 glasova „ZA“ i 1 glasom „PROTIV“ usvojen**

Program finansiranja komunalnih djelatnosti za 2020. godinu.

Ad.12.

(Informacija o vodosnadbijevanju i odvozu smeća na području općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe i pitanja iznijeli vijećnici: Nedžad Mušanović, Elvir Rožajac, Đemo Kevrić, Mirnes Ajanović, Emir Islamović i Mario Mirčić (kao uposlenik JKP d.o.o. dao odgovore na neka pitanja postavljena u raspravi koja se odnose na vodozaštitne zone i elaborate istih, vodosnadbijevanje gradske zone i sl).

Zaključena je rasprava i predsjedavajući OV konstatuje uz Zaključak da je Vijeće **primilo k znanju**

Informaciju o vodosnadbijevanju i odvozu smeća na području općine Vareš.

Ad.13.

(Tekuća pitanja)

Predsjedavajući OV upoznao je prisutne sa pristiglom poštom:

1. Dopis za dostavu prijedloga za Program rada OV za 2020. godinu, broj: 01-199/19 od 28.10.2019. godine. (informativno)
2. Informacija o isporuci ogrjevnog drveta broj: 09-4448/19 od 22.10.2019. godine, dostavljena od PJ „Šumarija“ Vareš na osnovu Zaključka Kolegija OV sa 31. sjednice održane 21.10.2019. godine. (informativno)
3. Dopis-Upit za izjašnjanje broj: 100-270/2019 od 22.10.2019. godine dostavljen od Sean Tech Bosnia d.o.o. Vareš.

Pomoćnik Načelnika Ermin Musa izvijestio je Vijeće da je nadležna Služba 31.10.2019. godine firmi Sean Tech Bosnia d.o.o. Vareš uputila dopis-izjašnjenje. Izjavio je da je urađeno u skladu sa zakonom, evidentno je da postoji problem koji trebamo riješiti, a to je pitanje korištenja puta. Problem će se pokušati riješiti eventualnim postupkom utvrđivanja javnog interesa ili nekim drugim postupkom, kako bi se osiguralo bilo kojoj firmi koja bude ubuduće egzistirala, nesmetano korištenje navedenog puta.

U raspravi su svoja mišljenja, prijedloge i pitanja iznijeli vijećnici: Safeta Muftić (*uz pojašnjenje predložila je da Vijeće donese zaključak po kome bi nadležna Služba od Općinskog suda Visoko zatražila da se z.k. uložak broj 1360 povuče*), Mario Mirčić, Nikola Šimić, pomoćnik načelnika Ermin Musa, predsjedavajući OV Adis Čizmo

(sugerisao da nadležna Služna i Općinski načelnik do naredne sjednice OV, Vijeću dostave informaciju u vezi eventualnih dešavanja po ovom pitanja), Mario Mirčić (da se razmotri situacija da prilazni put ostane društvena svojina i da se uknjiži na Općinu Vareš) i pomoćnik Ermin Musa (*izjavio je da ima više načina da se riješi ovaj problem i da se ne smije dozvoliti da neko nema pristupa svojoj firmi*).

Predsjedavajući OV na osnovu diskusije vijećnika i iznesenih prijedloga zaključio je da je Vijeće zauzelo stav da se ne dozvoli ni po koju cijenu da se zauzme dio prilaznog puta i tako ugrozi poslovanje firme i da nadležna Služba na sljedećoj sjednici izvijesti Vijeće o aktivnostima po navedenom problemu.

4. Obavijest o ne izvršenoj sanaciji dijela puta Tirići-ispod Pruge od 18.10.2019. godine, dostavljenog od gosp. Imamagić Aide ul. Tirići br. 34 Vareš.

Pomoćnik načelnika Ermin Musa u svom obraćanju izjavio je da ima dosta infrastrukturnih objekata manjeg obima koje bi trebalo uraditi. Za sada su radovi na čekanju. O istom je dao pojašnjenje.

Predsjedavajući OV u ime Općinskog vijeća i Općinskog načelnika čestitao je sportisti gosp. Fariku Muhić na osvojenoj medalji.

Sastavni dio ovog Zapisnika je audio zapis sjednice.

Sjednica je završena u 18,30 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALAČI
OPĆINSKOG VIJEĆA***

Adis Čizmo